

Ernst Horgen
Kommuneoverlege
Pb 70, 5948 Fedje
erhorgen@online.no
Tlf.004756164031

Fedje 301020

Rådmann Gjermund Hagesæter
Fedje kommune

Å SEI OPP AVTALEN MED NORDHORDLAND LEGEVAKT

Fedje kommune har delegert helseoppgåver jfr. vertskommunemodellen til Alver kommune. Ved Nordhordland Interkommunale legevakt tek ein seg av legevaktarbeidet når legen på Fedje ikkje har vakt, dei svarer dei som ring 116117 som er det offisielle legevaktnummeret og dei har ansvar for augeblikkeleg hjelp døgnseng.

Fedje kommunestyre har vedteke at ein frå 2021 skal organisere ei legeteneste lokalisert på Fedje, 24 timar i døgnet, heile året. Til dette skal ein nytte ei turnusordning med fire legar slik vi har sett at ein har fått det til i Solund. Vi skal på dette viset i løpet av 2021 sjølv drifte alle legetenestene i Fedje kommune.

Legevakt, tenesta 116117 og augeblikkeleg hjelp døgnseng er lovpålagde helsetenester

LEGEVAKT

Før 1983, var det lege og turnuslege i Austrheim som hadde legevakt i Fedje kommune.

Etter 1983, hadde legen på Fedje eit regulert samarbeid med legetenesta i Austrheim om legevakt i begge kommunane fram til 2001.

Frå 2001 blei dette samarbeidet avslutta etter ynskje frå legane i Austrheim, og vi måtte be om samarbeid med Nordhordland Interkommunale legevakt i Knarvik. Til å begynne med om lag 800 timar kvart år, men det har av ulike årsaker auka til over 2000 timar kvart år.

Fedje kommune og befolkninga har frå Nordhordland legevakt fått tenester som er kvalitetssikra, dei har vore av høg kvalitet og med stendig fagutvikling. Når Fedje kommune no vel å gå ut av samarbeidet, er det ikkje fordi ein er lite nøgd med samarbeidet eller måten Nordhordland legevakt har løyst oppgåvene.

Årsaka er heilt kort at avstanden er for stor, og mange på Fedje nyttar ikkje tilbodet når det ikkje er lege på Fedje. Forsking viser at det er «risikosport» å ha ein legevakt som ligg 1,5 til 2 timar vekke frå sjuke og skadde.

LEGEVAKTNUMMERET 116117:

Dette er eit nasjonalt nummer som bring pasienten i kontakt med næraste legevakt. Dette vert nesten ikkje nytta på Fedje. Vi kan ha det i Knarvik sjølv om vi ikkje har legevakt i Knarvik. Solund kommune har det i Førde.

AUGEBLIKKELEG HJELP DØGNSENG:

I samband med samhandlingsreforma, skal alle kommunane ha eit tilbod om døgnopphald nokre dagar(2 til 3)for pasientar med avklara sjukdom der dei ikkje kan overvakast i heimen, men dei treng heller ikkje å innleggast på sjukehus. Ein reknar med at det er trong for 365 dagar slik plass for ein kommune med 6000 innbyggjarar. For oss skulle det tyde på at vi skulle ha nytta sengene i Knarvik 35 dagar kvart år. Fedje nyttar sengene i Knarvik 0 til 2 dagar i året, og det har oftast skjedd når vi ikkje har lege på Fedje, og pasienten har reist til Nordhordland legevakt. Vi vil nytte 2021 til å etablere eit slikt sengetilbod på Fedje når vi har lege til stades 24/7.

FRIST FOR OPPSEIING

Fedje sitt mål er i løpet av 2021 å få på plass eigen legevakt på Fedje alle dagar heile året. Det gir grunnlag for å sei opp avtalen med Nordhordland legevakt om legevakt og augeblikkeleg hjelp døgnseng. Fristen for dette er det året ein seier opp og det kommande året. Skal Fedje ta over alle tenestene frå 1.januar 2022, må vi sei opp tenestene seinast desember 2020.

Vennleg helsing
Ernst Horgen
Kommuneoverlege